



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

44. De eadem re.

urn:nbn:de:hbz:466:1-14622

Item de eadem re. *Ex Capit. Ludowici capit. v.*

XL I. Ne verò Ecclesiæ Presbyteris commissæ in restauratione aut in luminaribus juxta possibilitatem rerum ab illis neglegantur vestra nihilominus invigilare debet solertia. Et sicut alios prohibetis ne de mansis ad Ecclesiæ luminaria datis aliquid accipiant, sic & vos & vestri Archidiaconi de eisdem mansis nihil accipiendo, aliis exemplum præbeatis. Sed potius ad id ad quod data sunt servire concedantur; ut totum, sicut dictum est, in restauratione Ecclesiarum & luminaribus vestra auctoritate & studio cedere possit.

De decimis. *Cap. CLXII.*

XLII. Ut decimæ in potestate Episcopi sint, qualiter à Presbyteris dissipentur. Lib. I. Capitular. c. 149.

De eadem re. *Ex cap. CLVII.*

XLIII. Ut qui Ecclesiarum beneficia habent, nonam & decimam ex eis Ecclesiæ cuius res sunt donent. & qui tale beneficium habent, ad medietatem laborent, & de eorum portione proprio Presbytero decimas donent. Lib. I. Capitular. c. 163.

De eadem re.

XLIV. Novalia rura, quæ juxta cultos agros sunt, Ecclesiæ antiquæ decimentur. Et si ultra milliaria quatuor vel quinque in saltu quælibet digna persona aliquod novale conlaboraverit, ibidémque cum sui Episcopi consensu Ecclesiam construxerit, post consecra-

tionem Ecclesiæ provideat Presbyterum, ejusque conductu de eodem elaboratu decimas eidem Ecclesiæ conferat. [*Caput istud non extat in codice MS. Reginonis.*]

Item de nonis & decimis. *Ex eodem,*
cap. xxxvi.

Concil. Cabilon. 2. c. 19.
Lib. 2. Capitular. c. 38.

XLV. Qui decimas post creberrimas admonitiones & prædicationes sacerdotum dare neglexerint, excommunicentur. Juramento verò eos constringi nolumus, propter periculum perjuri.

Item de nonis & decimis. *Ex eodem,*
cap. xxi.

Lib. 2. Capitular. c. 11.

XLVI. De nonis quidem & decimis, unde & genitor noster & nos frequenter & in diversis placitis admonitionem fecimus, & per Capitularia nostra qualiter hæc observentur ordinavimus, volumus atque jubemus ut de omni collaboratu & de vino & fœno fideliter & pleniter ab omnibus nona & decima persolvatur. De nutrimine verò pro decima, sicut hæctenus consuetudo fuit, ab omnibus observetur. Si quis tamen Episcoporum fuerit qui argentum pro hoc accipere velit, in sua potestate maneat, juxta quod ei & illi qui hoc persolvere debet convenerit.

Item de nonis & decimis. *Ex eodem,*
cap. v. lib. v.

Lib. 5. Capitular. c. 145.

XLVII. De his qui nonas & decimas jam per multos annos aut ex parte aut ex toto dare neglexerunt, volumus ut per Missos nostros